



Broj: 02-04-2290/24-AP-4

Datum: 10.12.2024.. godine

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), i Odluke o standardima i kriterijima za imenovanje u Nadzorni odbor JKP „Radnik“ d.o.o. Zavidovići („Službeni glasnik Općine Zavidovići“, broj: 8/2020) i člana 12. Privremene Statutarne Odluke Grada Zavidovići („Službeni glasnik Općine Zavidovići“, broj 4/2022) na prijedlog Službe za upravu poljoprivrede, vodorivrede i komunalnih poslova, Gradonačelnica objavljuje :

JAVNI OGLAS

za izbor i imenovanje predsjednika i članova u Nadzorni odbor JKP „Radnik“ d.o.o. Zavidovići

I

Objavljuje se javni oglas za izbor i imenovanje predsjednika i 2 (dva) člana u Nadzorni odbor JKP „Radnik“ d.o.o. Zavidovići.

II

Opis pozicije predsjednika i članova Nadzornog odbora JKP „Radnik“ d.o.o. Zavidovići

Nadzorni odbor Javnog komunalnog preduzeća „Radnik“ d.o.o. Zavidovići nadležan je i odgovoran da:

1. nadzire rad uprave i poslovanje preduzeća,
2. priprema i predlaže etički kodeks, Statut preduzeća, poslovničke i druge akte koje usvaja Skupština, kao i Pravilnik o unutrašnjoj organizaciji i sistematizaciji radnih mjesta
3. imenuje i razrješava direktora preduzeća po prethodnoj saglasnosti Skupštine u skladu sa Statutom,
4. vrši izbor kandidata Odbora za reviziju i podnosi Skupštini prijedlog za imenovanje,
5. daje saglasnost na kalkulaciju cijena i utvrđuje Prijedlog Cjenovnika komunalnih usluga kojeg u konačnici potvrđuje Skupština i donosi ga i usvaja Općinsko vijeće Zavidovići,
6. razmatra provedbeni propis za postupak nabavke i nadzire njegovo provođenje,
7. daje mišljenje Skupštini o prijedlogu Uprave za raspodjelu dobiti,
8. daje upute Upravi za provođenje preporuka prilikom uočenih nepravilnosti,
9. predlaže raspodjelu i način upotrebe dobiti i način pokrića gubitaka,
10. formira povremene komisije, utvrđuje njihov sastav i zadatke,
11. daje ovlaštenja za aktivnosti koje su ograničene na osnovu odredbi Zakona o javnim preduzećima,
12. nadzire Upravu u primjeni preporuka Odbora za reviziju i vanjskog revizora,

13. usvaja izvještaj o poslovanju Preduzeća po polugodišnjem i godišnjem obračunu sa izvještajem revizije,
14. podnosi Skupštini godišnji izvještaj o poslovanju koji obavezno uključuje izvještaj revizora, izvještaj o radu Nadzornog odbora i Odbora za reviziju i plan poslovanja za narednu godinu,
15. donosi prijedlog trogodišnjeg plana poslovanja i usvaja godišnje planove poslovanja,
16. odobrava kupovinu, prodaju, zamjenu, uzimanje u lizing, davanje u lizing, uzimanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15 % do 33 % knjigovodstvene vrijednosti ukupne imovine preduzeća po bilansu stanja na kraju prethodne godine,
17. predlaže Skupštini kupovinu, prodaju zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine preduzeća po bilansu stanja na kraju prethodne godine,
18. odlučuje o ostalim pitanjima u skladu sa Zakonom

III

Mandat

Nadzorni odbor čine predsjednik i dva člana od kojih jedan član mora biti ispred reda zaposlenika JKP „Radnik“ d.o.o Zavidovići.

Predsjednik i članovi Nadzornog odbora imenuju se na period od četiri godine.

Nakon konačnog imenovanja predsjednik i članovi nadzornog odbora (ukoliko već ne posjeduju certifikat) dužni su u roku od šest mjeseci od dana konačnog imenovanja pribaviti Certifikat o završenom stručnom usavršavanju izdat od nadležnog organa.

U slučaju prestanka obavljanja dužnosti predsjednika ili člana Nadzornog odbora prije isteka perioda od četiri godine na koji je imenovan, popunjavanje upražnjene pozicije vrši se na period do kraja perioda na koji je imenovan Nadzorni odbor.

IV

Opći uslovi za imenovanje

A) Kandidati trebaju ispunjavati sljedeće opće uslove:

- a) da je državljanin Bosne i Hercegovine,
- b) da je stariji od 18 godina,
- c) da nije otpušten iz državne službe kao rezultat disciplinske mjere (bilo na nivou države ili entiteta), u periodu od 3 godine od dana objavljivanja upražnjene pozicije,
- d) da nije pod optužnicom Međunarodnog suda za ratne zločine u bivšoj Jugoslaviji (član IX.1.Ustava Bosne i Hercegovine),
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH («Službene novine Federacije BiH» broj: 12/03, 34/03 i 65/13),
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u FBiH («Službene novine FBiH», broj: 70/08),
- g) da nema privatni finansijski interes u instituciji u koju se kandiduje,
- h) da nije osuđen za krivično djelo i privredni prijestup nespojiv s dužnošću u Nadzornom odboru pet godina od dana pravostnažnosti presude, isključujući vrijeme zatvorske kazne,
- i) da mu presudom suda nije zabranjeno obavljanje aktivnosti u nadležnosti Nadzornog odbora
- j) da nije stariji od 65 godina na dan imenovanja.

B) Pored općih uslova, kandidati trebaju ispunjavati slijedeće posebne uslove:

- a) visoka/viša stručna sprema (VII/VI) stepen ili visoko obrazovanje prvog, drugog ili trećeg ciklusa Bolonjskog sistema studiranja,
- b) 3 godina radnog iskustva u struci i spremi nakon sticanja visoke/više stručne spreme,
- c) da nije član niti jednog Upravnog ili Nadzornog odbora, odnosno Odbora za reviziju u više od jednog privrednog društva,
- d) da nije vlasnik ili član uprave nekog privrednog društva ili institucije,
- e) sposobnost za savjesno, odgovorno i odlučno obavljanje upražnjene pozicije,
- f) sposobnost nepristrasnog donošenja odluka,
- g) komunikacijske i organizacijske sposobnosti,
- h) sposobnost tumačenja ekonomskih, tehnoloških i pravnih analiza i propisa,
- i) da posjeduje stručno znanje iz oblasti rada i organizacije privrednih društava i/ili institucija,
- j) preporuke ranijih neposrednih rukovodilaca,
- k) certifikat o završenom stručnom usavršavanju predsjednika i članova nadzornih odbora privrednih društava sa učešćem državnog kapitala (kandidati koji se prijavljuju na javni oglas a koji ne posjeduju certifikat o završenom stručnom usavršavanju, mogu se izjavom ovjerenom kod nadležnog organa obavezati da će u roku od šest mjeseci proći stručno usavršavanje i steći certifikat o završenom usvršavanju ili dostaviti važeće uvjerenje o statusu kandidata u postupku usavršavanja).

Prilikom procjene posebnih uslova kriteriji navedeni pod tačkama od e) do i) izrazit će se u bodovima od 1-5.

VI

Potrebni dokumenti

- Prijava na javni oglas treba biti potpisana i sadržavati oznaku pozicije u Nadzornom odboru javnog preduzeća na koju se kandidira, kratku biografiju, adresu i kontakt telefon. Uz prijavu se prilažu originalna ili ovjerena fotokopija dokumenata:
- dokaz o stručnoj spremi,
 - dokaz o radnom iskustvu,
 - izvod iz matične knjige rođenih (trajni izvod iz MKR-ih),
 - uvjerenje o državljanstvu (ne starije od 6 mjeseca),
 - uvjerenje o nekažnjavanju nadležne policijske uprave (ne starije od tri mjeseca),
 - uvjerenje da kandidat nije učinio privredni prijestup nespojiv sa dužnošću u Nadzornom odboru , pet godina od dana pravosnažnosti presude od nadležnog suda (ne starije od 3 mjeseca),
 - podaci o neposrednim ranijim rukovodiocima,
 - certifikat o završenom stručnom usavršavanju ili važeće uvjerenje o statusu kandidata u postupku usavršavanja,
 - ovjerenu izjavu kandidata za alineju c), d), e), f) i g) pod A) i alineju c), d) i k) pod B).

VII

Napomena:

Sa kandidatima koji budu ispunjavali sve uslove javnog oglasa bit će obavljen intervju. Kandidati za poziciju predsjednika i člana Nadzornog odbora dužni su potpisati izjavu o nepostojanju sukoba interesa prije preuzimanja funkcije.

VIII

Ostale napomene

Oglas ostaje otvoren 15 dana od dana posljednjeg javnog objavljivanja.

Prijave sa potrebnom dokumentacijom mogu se dostaviti lično na Pisarnicu Grada Zavidovići (prizemlje zgrade) ili preporučenom poštom, u zatvorenoj koverti sa naznakom «Prijava na javni oglas za izbor i imenovanje predsjednika i članova u Nadzorni odbor JKP „Radnik“ d.o.o Zavidovići ne otvaraj”, na adresu - Grad Zavidovići, ulica „Mehmed paše-Sokolovića“ bb., Komisija za izbor na upražnjene pozicije predsjednika i članova u Nadzorni odbor JKP „Radnik“ d.o.o Zavidovići“.

Neblagovremene i nepotpune prijave neće se razmatrati.



GRADONAČELNICA
gosp. Ema Merdijć Smailhodžić

Em

Obradila: Adisa Pašić dipl.pravnica

Kontrolisao: Izet Bašić dipl.ing agr.